




PEDI - "Only one way to God"

# TSELA E TEE YE E YAGO GO MODIMO



## TSELA E TEE TE E YAGO GO MOLIMO

Ke nna tsela le therešo le bophelo. Ga go a tlogo go Tate ge e se ka nna." *Johane 14:6*. Matšatšing a lehono barutiši ba dithuto tša maaka ba šupa batho ditsela tše dintšhi tše ba rego ba tla hwetša Modimo ka tšona. Moo gare ga kgakanego e kaakaa, go thabiša bjang go kwa Mophološi wa rena yo a makatšago, e lego Morena Yesu Kreste a re: "Tselo ke nna."

Bao ba kwilego Yesu ge a bolela, ba rile: "Ga go ešo gwa ba le motho e a bolelago bjalo ka motho yo." Le rena re tlamega go mo theeletša, kudukudu ka yona nako ye. Ga go yo a kago ganetša gore matsatši a lehono ao re phelago go ona ke matsatši a matshwenyego a magolo, ao lefase le sešogo la a bona. Empa le mola Yesu a bolela mantšu ao a makatšago, mabaka e be e le a mathata. Go be go na le dithuto tše dintšhi tša borapedi le mekgwa e mentšhi ya tlhago yeo e bego e

rutišwa, empa therešo e be e se e ntšhi. Yesu o boletše le Bafarisei (bao e lego ba dithuto tše dintšhi tša borapedi) a re: "Ba ntirela ka lefela, ba ruta dithuto tše di lego ditaello tša batho." *Mateo 15:9.*

Mo lefaseng le le gakanegilego go na le batho ba bantšhi ba ba swanago le Thomase, ba botšiša potšišo ye: "Tsela re ka e tseba bjang?" E ka ba mohlomong ga ba e botšiše ka lentšu le le kwalago, empa potšišo e gona dipelong tše dintšhi tše di tshwenyegilego. Se ke se tsebago ke ge potšišo ye e kile ya ba gona pelong ya ka. Empa gee! A go lebogwe Modimo ka gobane bjale ga ke sa botšiše. Yesu o itše: Ke nna tsela "me ke kgotsofetše.

Go tlogela ge batho ba arogile ka Adama, ba logile maano le go tsoma ditsela tša go boela go Modimo. Ba bangwe ba latola, ba re batho ga ba ka ba aroga. Ba re ge ngwana a tswalwa o hlwekile, se se nyakegago ke gore a dule a le bjalo, me ba itshwenya ka lefela go dira tše. Ba gopola gore ge ba ka ba iša kerekeng, ba rutišwa ka tshwanelo, ba amogelwa go ba ditho tša phuthego ge ba na le mengwaga ye e itšego, Modimo o tlo ba amogela legodimong. Ka baka leo re kwa gantšhi go bolelwa ka go rutišwa batho ba baswa, fela ga re kwe gantšhi ka tlhokagalo ya tshokologo ya bona.

Ke mokgwa wa batho go leka go ikhumanela ditsela tša go boela go Modimo ka bona beng. Ge Adama le Efa ba sentše serapeng sa Edene, ba lekile go ikapeša e le go šireletša go hlobola ga bona. Ba tšhabela Modimo ba khuta dihlareng tša serapa. Sebakeng sa gore ba nyake Morena yo ba mo senyeditšego, ba ile ba mo tšhabela. Tsela e be e le e tee fela ye Adama a bego a ka kgo-na go boela go Modimo ka yona me a eme pele ga gagwe. Modimo o tšere kgato ya pele ka mo a dirago ka mehla. O ile a ba nyaka, a ba bitša, a ba khumana ba khutile dihlareng. Morena Modimo o ba diretše diaparo tša matlalo; a ba apeša *Genesi 3:21.* Hlokomela gore e be e le Modimo yo a ilego a ba nyaka, a ba khumana, a ba a ba apeša. Ka tše re ka bona pabalelo ye Modimo a babalelago modiradibe yo a swanetšwego ke go ya diheleng.

Yesu Krete ke kwana ya Modimo. Ke Modimo yo a re filego Yena. E be e le Modimo yo a mo rometšego lefaseng. E be e le Modimo yo a beilego dibe tša rena (e seng seripa, fela ka moka ga tšona) godimo ga kwana ye ya gagwe, "O be a rwele a rena malwetši, o ipeletšiše a rena mahloko. O hlabilwe ka baka la dikarogo tša rena. Gomme rena ra mo sema moteiwa, e a otlwago ke Modimo, a hlokoatšwago Antho o hlabilwe ka baka la dikarogo tša rena; o tlapirigantšwe ka baka la makgopo a rena. Kotlo e wetše yena godimo, gore re bone khutšo; ra tlelwa ke go fola ka dintšo tša gagwe. Rena ka moka re be re time-tše bjalo ka dinku, mang le mang a lebeletše tsela ya gagwe; gomme Morena a lahlela makgopo a rena ka moka go Yena." *Jesaya 53:4-6.*

Batho ba bangwe ba re motho o ile a aroga ka Adama a ba a boela ka Krete, empa Mangwallo a re: "Gobane Krete le yena mola a hlokoatšwa ka baka la dibe ke ge moloki a hwela bakgopo, gore a re itše go Modimo, a bolawa mmele, a phe-dišwa moya." *I Petro 3:18.*

Ka kgonthe tsela ye e yago go Modimo ke e tee fela, me tsela yeo ga se lenaneo la melao ya mehuta-huta goba dithuto tša boitshwaro; tsela yeo ke motho wa letago, yo a phelago, yo a theologilego legodimong a tswetšwe ke Moya o Mokgethwa. O ile a phela bophelo bja go hloka sebe. Ešita le bao ba bego ba mo hloile gagolo ba ile ba se hwetše molato go yena. Le yena Judase yo a mo ekilego, o boletše a re: Ke ekile madi a se nago molato. *Mateo 27:4.* Ka fao re bona gore yo a se nago molato o ile a tshwenyegela bakgopo a ba a ba iša go Modimo me a ba fa boemo bjo bo botse pele ga Modimo.

"Motho mang le mang ke lefela-fela, mola a re ke eme." *Dipesalme 39:5.* Le ke Lentšu la Modimo le le akareditšego bohle me ga re kgone go latola therešo ya lona. Toko ya rena le tšohle tše re di dirago ga di na mogola. Se a se lebeletšego mo go rena ke gore re lemoge ge re hloka Modimo le maatla a gagwe a phološo. Batho ba ba nago le mebele ye e thabilego ga ba hloke ngaka; go bjalo le ba ba tshepago toko ya bona beng: ba re: Ga re hloke mophološi. Empa Modimo o re go *Jesaya 64:6,* "Ka moka ga rena re bjalo ka wa tšhila; me toko ya rena e bjalo ka seaparo se se tšhilafetšego." Re ka se eme pele ga Modimo re apere mankgeretla. Se re se hlokgago ke toko ye e phethegilego me yona e khumanega go Yesu Krete a nnoši fela. "Gomme ke ka Yena ge le le ba Krete Yesu, yo Modimo a mo dirilego bohlale bja rena, le tokafatšo ya rena, le kgethego ya rena, le topologo ya rena." *I Ba-Korinthe 1:30.* "Yena yeo a sa kago a tseba sebe, o mo dirile sebe bakeng sa rena, gare re tle re be ba tokafatšo ya Modimo ka Yena (bao ba dumelago go Yena)." *2 Ba-Korinthe 5:21.* Dibe tša rena di eme magareng a rena le Modimo, empa Yesu Krete o rwele kotlo ya tšona ka mmele wa gagwe sefapanong. Ka go dira bjalo a ba a kgotsofatša Modimo mabapi le tšona. O phela ka go sa felego, ka fao o na le maatla a go phološa bohle ba ba tlogo go Modimo ka yena. *Ba-Hebere 7:25.*

Yesu ke hlatse ye e botegago. *Kutollo 1:5.* O tshepišitše gore a ka se ke a leleka ba ba tlogo go Yena. *Johane 6:37.* Go tla go Yena ke go sokologa, wa kgopela Modimo gore a go lebelele le go go hlatswa ka madi a gagwe a bohlokwa, wa fularela lefase le menate ya lona. Wa neela bophelo bja gago go Modimo ka mo go phethegilego me wa mo phelela. Ge o amogetše Morena le tebelelo ya gagwe o tlo go fa khutšo le lethabo la gagwe. O ka se hlwele o duma dilo tša lefase.

Ka nnete tsela ye e yago go Modimo ke e tee fela. Wena mmadi, a nke o kwe Morena Yesu Krete ge a re: "Ke nna tsela." Khunama o bolele le Yena mabapi le bophelo bja gago. Mmotše gore o a itshola, mo kgopele gore a go gaugele me a go lebalele wena modiradibe, a go hlatswe ka madi a gagwe a bohlokwa, a go dire ngwana wa gagwe, a go fe bophelo bjo bo sa felego. O tshepišitše go dira tšeo, bjale gee, mo dumele, o tsoge o na le kholofelo ka pelong ya gago ya gore o go kwile me mošomo o phethilwe. Sepela o se hlwele o dira sebe. Ge o ikwela o fokola, kgopela maatlafatšo go Morena Yesu, a go fe phenyo go dimo ga sebe. Ikemišetše go šadiša dilo tša lefase me o tlo hwetša gore a ka se go fe fela khutšo le lethabo le lefase le paletšwego go go fa, empa o tlo hwetša kgahlego e kaaka ka go direla Modimo wa se sa gopola dilo tša lefase. Dilo tša lefase ke tša sebakanyane fela me di a fela, empa tše Modimo a re fago tšona ke tša bophelo bjo bo sa felego.

Ineele go yo a lego TSELA le THEREŠO le BOPHELO.

## MOFORI

Sathane o forile Adama le Efa ka go apeletša nnete maaka. O ba abetše dilo tše e sego tša gagwe me a ba fa manyami bkeng sa lethabo, lehu bakeng sa bophelo.

### TOKO YE E SEGO YA NNETE.

Sathane o tlo go fa toko ye e sego yona, diaparo tša ditšhila tša toko ya gago bakeng sa toko ya Yesu yeo re e hwetšago ka tumelo fela. Sathane o tlo go palediša go hwetša diaparo tše tšeu-twa tše di hlatswitšwego ka madi a kwana, ka gobane di aparwa ke bao ba sokologilego ka makgonthe, ba ba nago le tumelo go Yesu Krete.

### KHUTŠO YE E SEGO YA NNETE

Sathane o tlo go fa khutšo ya maaka ka go go botša gore batho ka moka ke bana ba Modimo me ba tlo ya legodimong. Yesu o ile a re go Bafarisei: "Tata weno yo le tšwago go yena ke Diabolo; me le phegella go dira mediro ya yena tata weno eo." *Johane 8:44*. Moapostola Johane o ngwadile a re: "Modirasebe ke wa Diabolo; gobane Diabolo o dira sebe go tloga mathomong. Se Morwa-Modimo a tletšego sona, ke go fediša mediro ya Diabolo. Motho e a tswetšwego ke Modimo ga a dire sebe, gobane peu ya Modimo e dula e le mo go yena. Le gona ga a kgone go dira sebe ka ge a tswetšwe ke Modimo. Ke gona moo go bonagalo go ba e lego bana ba Modimo, le ba e lego bana

ba Diabolo. E a sa yego ka toko, ga a 'tswalwa ke Modimo, boka le eo a sa ratego ngwanabo." *I Johane 3:8-10*.

Re ka ba bana ba Modimo ka go tswalwa la bobedi. "Fela bohle ba ba mo amogetšego o ba neile maatla a go ba bana ba Modimo. Ke bao ba go dumela leina la gagwe. Ke bao ba sa kago ba tswalwa ka madi le ka nama le ka thato ya monna; ke bao ba go tswalwa ke Modimo. Ge motho e se wa go tswalwa leswa, a ka se ke a bona mmušo wa Modimo. Sa go tswalwa ke nama ke nama; sa go tswalwa ke Moya ke moya. *Johane 1:11-13, Johane 3:1-8*. Sathane o go botša gore ga go na hele, ga go na Modimo, ga go na kahlolo le tso go ya bahu ga e gona. Moya o Mokgethwa wo o lego Moya wa therešo, o go bontšha dibe tša gago le yena Yesu yo a lego morwadi wa dibe, kwana ya Modimo yo a tlošago dibe tša lefase.

### LETHABO LE E SEGO LA NNETE.

Sathane o leka go go fa lethabo le e sego la nnete. O tlo go fa dikganyogo tša nama. Empa tšona ga di kgone go kgotsofatša moya wa gago. Bjalwa bo ka se time lenyora la moya wa gago, le ge e le basadi goba banna ba ka se kgone go go kgotsofatša. Yesu o ile a re go mosadi wa Mosa-maria kwa sedibeng: "O be o na le banna ba bahlano, me yo o nago le yena bjale, ga se monna wa gago, "empa Yesu o mo file meetsi a a kgone go tima lenyora la gagwe. Yesu ke sediba sa bophelo. Ge re nwa meetsi ao re fiwago ke Yena, a tlo ba bjalo ka sediba sa bophelo mo go rena, se se re išago bophelong bjo bo sa felego. O se ke wa forwa ke lethabo la lefela la maaka a Sathane le le tlo go felela manyaming a sa felego diheleng.



### SEETŠA SE E SEGO SA NNETE.

Sathane o tšwelela ka seetša sa maaka. O rata go bonagala bjalo ka lengeloi la seetša. Pele a ewa o be a le lengeloi le le botse gagolo, empa ga a sa le ka tsela yeo. O leka go tliša sebe e le se se kgahlišago, se se botse, gore a go leke a be a go sware, empa seetša sa gagwe ke sa maaka, se boneka fela bošego. Ge Yesu, yena letšatši la toko a tšwelela dietša ka moka tša Sathane di tlo tima. Seetšeng sa Modimo o tlo bona ka moo letago la Sathane le befilego ka gona.

### TSELA YE E SEGO YA NNETE.

Sathane o leka go go sepediša tseleng ye e sego yona. Tsela ye e išago legodimong ke e tee fela. Yesu o itše: "Ke nna tsela, le therešo le bophelo." Sathane o go botša gore o na le tsela ye bokaone, tsela e petleke ye e sepelwago ke ba bantšhi, empa ga a go šupe mafelelo a tsela yeo e išago diheleng.

"Go na le ditsela tše o rego di lokile; me kwa pele ya tlo ba tša lehu. Lešilo le bona go loka ya lona tsela. Bophelo bo mmileng wa toko." *Diema 14:12. Diema 12:15 & 28.*

### MAHUMO A E SEGO A NNETE.

Mahumo ao Sathane a kago go fa ona ke a lefela. Monna wa mohumi o ile a forwa ke ona me lehung la gagwe o ile a ya diheleng. Judase le yena o ile a fahlwa ke disilefere tše masome a ma-


raro (30). O lahlegetšwe ke Yesu me ka fao o ile a lahlelwa ke bophelo bjo bo sa felego, khutšo ye e sa felego, lethabo le le sa felego le mahumo a a sa felego. A lahlelwa ke bophelo bja gagwe, boemo bja gagwe bjo bo phagamilego le tšhelete ya gagwe. Sathane o tlo go fa leswika bakeng sa bogobe, phepheng bakeng sa lee, noga bakeng sa hlapu, Go Yesu re na le mahumo ao a ka se kego a ba a fela.

Go na le tše dintšhi tše di ka go bolelwa, empa tše di lekane go go eletša gore o latele modiša wa makgonthe yo a neetšego bophelo bja gagwe ka baka la gago. Latela seetša sa nnete, e lego Yesu, Amogela Moya wa therešo, Moya o Mokgethwa, eba lebaka la morara wa makgonthe. Theeletša Yesu, moporofeta wa nnete, e sego baporofeta ba ga Sathane. Tlogela badimo ba gago ba maaka o direle Modimo wa therešo.

Eba morapedi wa nnete o rapele Modimo ka moya le ka therešo. Yesu ke yena bogobe bja nnete bjo bo kgorišago, bjo bo abelago bophelo bjo bo sa felego.

O se ke wa forwa, Modimo ga a kwerwe, se motho a se bjalo go o tlo ba a se buna.

O se ke wa dumelela Sathane a tšwela pele ka go go fora, mpa o latele Yesu Krete yo a ilego a re: "Ke nna tsela, le therešo le bophelo."



The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)